

**ԾԱՌԱՅՈՒԹՅՈՒՆՆԵՐԻ ՎՃԱՐՈՎԻ ՄԱՏՈՒՑՄԱՆ
ՊԱՅՄԱՆԱԳԻՐ ԹԻՎ 14-23**

ՀՀ, քաղաք Երևան

2023 թվական հունիսի 07

«ԴԱՆԻԱՍ» Սահմանափակ Պատասխանատվությամբ Ընկերությունը (այսուհետ՝ Պատվիրատու)՝ ի դեմս տնօրեն Արամ Սոխակյանի, ով գործում է Պատվիրատուի կանոնադրության հիման վրա, մի կողմից, և ՀՀ քաղաքացի Արթուր Ավետիսյանը (այսուհետ՝ Կատարող), մյուս կողմից, (այսուհետ, յուրաքանչյուրը առանձին՝ Կողմ, միասին՝ Կողմեր), կնքեցին սույն պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ ԵՎ ԿԱՏԱՐՄԱՆ ԺԱՄԿԵՏԸ

- 1.1. Սույն Պայմանագրով Կատարողը պարտավորվում է բացառապես Պատվիրատուի առաջադրանքով 2023 թվականի հունիսի 07-ից մատուցել տեղեկատվական համակարգերի ճարտարապետության և կառուցվածքի բարելավման հարցերով խորհրդատվություն:
- 1.2. Կատարողը պարտավորվում է մատուցել Ծառայությունները համաձայն Պատվիրատուի կամ նրա լիազոր ներկայացուցիչների ցուցումների և/կամ առաջադրանքների:
- 1.3. Սույն Պայմանագրով նախատեսված Ծառայությունները մատուցվում են մինչև 2023 թվականի դեկտեմբերի 30-ը ներառյալ:

2. ԵՐԱՇԽԻՔՆԵՐ

- 2.1. Կատարողը երաշխավորում է Ծառայությունների մատուցման համար իր պատշաճ մասնագիտական որակավորումը:
- 2.2. Կողմերը երաշխավորում են, որ իրավասու են ստորագրել սույն Պայմանագիրը և ունեն սույն Պայմանագիրը կատարելու համար բոլոր անհրաժեշտ իրավունքները, թույլտվությունները և համաձայնությունները:

3. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

- 3.1. Պատվիրատուն իրավունք ունի՝
 - 3.1.1. Կատարողից պահանջել սույն Պայմանագրով նախատեսված Ծառայությունները մատուցել պատշաճ որակով և սահմանված ժամկետներում,
 - 3.1.2. Պահանջել Կատարողից իրեն տրամադրել Ծառայությունների մատուցման ընթացքի վերաբերյալ տեղեկատվություն,
 - 3.1.3. Ստուգել Կատարողի կողմից Ծառայությունների մատուցման ընթացքը և որակը՝ առանց միջամտելու վերջինիս գործունեությանը,
 - 3.1.4. Ցուցումներ տալ Կատարողին Ծառայությունների մատուցման վերաբերյալ,
 - 3.1.5. Պահանջել Կատարողից աջակցել Պատվիրատուին Ծառայությունների մատուցման ընթացքը և որակը ստուգելիս:
- 3.2. Պատվիրատուն պարտավոր է՝
 - 3.2.1. Ընդունել սույն Պայմանագրին համապատասխան մատուցված Ծառայությունները, իսկ թերություններ և/կամ շեղումներ հայտնաբերելու դեպքերում՝ այդ մասին անհապաղ հայտնել Կատարողին,
 - 3.2.2. Վճարել Կատարողին մատուցված Ծառայությունների համար սույն Պայմանագրով սահմանված չափով, կարգով և ժամկետներում,

3.2.3. Անհրաժեշտության դեպքում, ապահովել կազմակերպչական և նյութատեխնիկական պայմաններ Ծառայությունների մատուցման համար,

3.2.4. Սույն Պայմանագրի կատարման համար Կատարողին տրամադրել անհրաժեշտ տեղեկատվությունը:

3.3. Կատարողը իրավունք ունի՝

3.3.1. Պատվիրատուից ստանալ սույն Պայմանագրի կատարման համար անհրաժեշտ տեղեկատվություն,

3.3.2. Պատվիրատուից պահանջել սույն Պայմանագրով սահմանված կարգով և ժամկետներում ընդունել պատշաճ մատուցված Ծառայությունները,

3.3.3. Սույն Պայմանագրով սահմանված չափով, կարգով և ժամկետներում ստանալ Ծառայությունների դիմաց վճարումը:

3.4. Կատարողը պարտավոր է՝

3.4.1. Ծառայությունները մատուցել անձամբ,

3.4.2. Ծառայությունները մատուցել սահմանված ժամկետներում,

3.4.3. Ծառայությունները մատուցել պատշաճ որակով, ՀՀ օրենսդրության պահանջներին, ինչպես նաև Ծառայությունների մատուցումը կարգավորող կիրառելի նորմերին, կանոններին և ստանդարտներին համապատասխան,

3.4.4. Ծառայությունների մատուցման ընթացքում հետևել Պատվիրատուի կամ նրա կողմից լիազորված անձանց ցուցումներին և պահանջներին,

3.4.5. Պատվիրատուի կողմից սահմանված ողջամիտ ժամկետում անհատույց վերացնել Ծառայությունների մատուցման արդյունքում հայտնաբերված թերությունները և/կամ շեղումները,

3.4.6. Պատվիրատուի տարածքում հետևել կիրառելի կանոնակարգերի պահանջներին, որոնց մասին Պատվիրատուն պարտավոր է ծանուցել Կատարողին,

3.4.7. Անհրաժեշտ հոգատարություն ցուցաբերել Պատվիրատուի և երրորդ անձանց գույքի նկատմամբ, ձեռնարկել անհրաժեշտ միջոցներ Պատվիրատուի կողմից իրեն ժամանակավորապես տրամադրված գույքը խնայողաբար և կիրառելի կանոններին համապատասխան օգտագործելու համար:

4. ԾԱՌԱՅՈՒԹՅՈՒՆՆԵՐԻ ՀԱՆՁՆՈՒՄ-ԸՆԴՈՒՆՈՒՄԸ

4.1. Սույն Պայմանագրով նախատեսված Ծառայությունների հանձնում-ընդունումն արձանագրվում է Կողմերի միջև ամսական հիմքով ստորագրվող կատարողական ակտով (այսուհետ՝ Կատարողական ակտ):

4.2. Եթե որևէ օրացույցային օրվա կամ ամսվա ընթացքում սույն Պայմանագրի համաձայն Ծառայություններ չեն մատուցվել, ապա տվյալ ժամանակաշրջանի համար Կատարողական ակտ չի կազմվում և/կամ չի ստորագրվում:

4.3. Այն դեպքում, երբ մատուցված Ծառայություններում հայտնաբերվում են թերություններ և/կամ շեղումներ, Պատվիրատուն սահմանում է հայտնաբերված թերությունների և/կամ շեղումների անհատույց վերացման ողջամիտ ժամկետ, որը Կատարողի համար ենթակա է պարտադիր կատարման:

4.4. Պատվիրատուն իրավունք ունի հրաժարվել Ծառայությունները ընդունելուց և ձեռնարկել սույն Պայմանագրով և/կամ ՀՀ օրենսդրությամբ նախատեսված միջոցները, եթե Ծառայություններում հայտնաբերվել են թերություններ, որոնք բացառում են դրանց օգտագործումը նախատեսված նպատակով և չեն կարող վերացվել ողջամիտ ժամկետներում:

5. ԾԱՌԱՅՈՒԹՅՈՒՆՆԵՐԻ ԱՐԺԵՔԸ ԵՎ ՎՃԱՐՄԱՆ ԿԱՐԳԸ


- 5.1. Համաձայն սույն Պայմանագրի՝ Պատվիրատուն Կատարողին վճարում է մեկ ժամվա համար գումար 25,000 (քսանհինգ հազար) ՀՀ դրամ: Պատվիրատուի և Կատարողի բանավոր համաձայնության դեպքում Պայմանագրային գինը՝ մասերով կամ ամբողջությամբ, կարող է վճարվել նաև որպես կանխավճար:
- 5.2. Սույն Պայմանագրով նախատեսված Ծառայությունների արժեքը չի ներառում բոլոր կիրառելի հարկերը և պարտադիր վճարները, որոնց վճարումն իրականացվում է ՀՀ օրենսդրությամբ նախատեսված կարգով:
- 5.3. Սույն Պայմանագրով նախատեսված Ծառայությունների համար Կատարողին Պատվիրատուի կողմից վճարումներն իրականացվում են ըստ Պատվիրատուի և Կատարողի կողմից ստորագրված ակտերի:
- 5.4. Պատվիրատուն սույն Պայմանագրով նախատեսված վճարումն իրականացնում է կազմված Կատարողական ակտի երկկողմանի ստորագրվելուց հետո՝ 15 (տասնհինգ) աշխատանքային օրվա ընթացքում՝ անկանխիկ եղանակով:
- 5.5. Հիմք ընդունելով Կատարողի առաջարկը, սույն Պայմանագրով իրեն վճարման ենթակա գումարը կփոխանցվի Կատարողի բանկային հաշվեհամարին՝ 24144008707000:

6. ԵԶՐԱՓԱԿԻՉ ԴՐՈՒՅԹՆԵՐ

- 6.1. Սույն Պայմանագիրն ուժի մեջ է մտնում երկկողմանի ստորագրման պահից և գործում է մինչև 2023 թվականի դեկտեմբերի 30-ը ներառյալ՝ ամեն դեպքում պահպանելով իր ուժը մինչև դրանում նախատեսված պարտավորությունների ամբողջական կատարումը: Պայմանագրի գործողության ժամկետի ավարտով Պայմանագիրը համարվում է լուծված՝ 2023 թվականի դեկտեմբերի 31-ին՝ առանց լրացուցիչ ծանուցման կամ համաձայնագրի:
- 6.2. Կողմերից որևէ մեկն իրավունք չունի սույն Պայմանագրով սահմանված իր իրավունքներն ու պարտականությունները փոխանցել երրորդ անձի՝ առանց մյուս Կողմի գրավոր համաձայնության:
- 6.3. Սույն Պայմանագրի յուրաքանչյուր կետ կամ պայման իրենից ներկայացնում է առանձին և ինքնուրույն դրույթ: Եթե Պայմանագրի որևէ դրույթ դատական կարգով կամ այլ իրավասու մարմնի որոշմամբ ճանաչվի անվավեր կամ կատարման ոչ ենթակա, ապա սույն Պայմանագրի մնացած բոլոր դրույթները կպահպանեն իրենց ուժը, բացառությամբ ՀՀ օրենսդրությամբ նախատեսված դեպքերի:
- 6.4. Պայմանագրի շրջանակներում Կողմերի միջև փաստաթղթերի, ծանուցումների առաքումը, տեղեկությունների փոխանակությունն իրականացվում է գրավոր կերպով՝ ծանուցման հասցեներով փոստային առաքմամբ կամ առձեռն հանձնելու և/կամ էլեկտրոնային փոստի միջոցով, կամ Կողմերի համաձայնությամբ նախատեսված այլ եղանակներով:
- 6.5. Սույն Պայմանագրի բոլոր հավելվածները, Կատարողական ակտերը, համաձայնագրերը, եթե առկա են, հանդիսանում են Պայմանագրի անբաժանելի մասը:
- 6.6. Սույն Պայմանագրում ցանկացած փոփոխություն և լրացում վավեր է, եթե այն կատարված է գրավոր և ստորագրված՝ Կողմերի կամ նրանց լիազոր ներկայացուցիչների կողմից:
- 6.7. Սույն Պայմանագրի առարկային վերաբերող և սույն Պայմանագրով ուղղակիորեն չկարգավորված բոլոր հարաբերությունները կարգավորվում են ՀՀ օրենսդրությամբ:
- 6.8. Սույն Պայմանագրի կապակցությամբ ծագած վեճերը լուծվում են բանակցությունների միջոցով: Բանակցությունների արդյունքում համաձայնություն ձեռք չբերվելու դեպքում վեճերը լուծվում են դատական կարգով:

6.9. Սույն Պայմանագիրը կազմված է հայերեն լեզվով, երկու հավասարազոր օրինակներից: Յուրաքանչյուր Կողմին տրվում է Պայմանագրի մեկական օրինակ:

7. ԿՈՂՍԵՐԻ ՏՎՅԱԼՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պատվիրատու	Կատարող
Անվանումը՝ «ԴԱՆԻԱՄ» ՍՊԸ	ԱԱ՝ Արթուր Ավետիսյան
ՀՎՀՀ՝ 02638486	Նույն. քարտ՝ 008393332, տրված՝ 27/06/2016թ.
Հասցե՝ ք. Երևան, Նար-Դոսի փող., շենք 73, բն. 36	ՀԾՀ՝ 3202790080
Տնօրեն՝ Արամ Սոխակյան	Բանկային տվյալներ՝ ՅՈՒՆԻԲԱՆԿ ԲԲԸ
Ստորագրություն Կ.Տ.	Հ/Հ՝ 24144008707000
	Ծանուցում՝ Ես՝ Արթուր Ավետիսյանս, ստացել եմ սույն Ծառայությունների մատուցման պայմանագրի 2- րդ օրինակը և հաստատում եմ համաձայնությունս դրա բոլոր պայմաններին:
	Ստորագրություն 